

Название: \*

## “Ангрен логистика маркази” АЖ ички

An type: \*

#### **Конкурсы и тендеры**

**Body:** \*

- • • • • • • • • • • • • • • • • • •

## “Ангрен логистика маркази” АЖ

**ички аудит хизмати ходимлигига номзодларни күриб чиқиш учун танлов үтказиш түгрисида**

ЭЪЛОН

“Акциядорлик жамиятлари ва акциядорларнинг хукуқларини ҳимоя қилиш тұғрисида”ги  
Ўзбекистон Республикаси Қонунининг 108-моддаси, Ўзбекистон Республикаси Вазирлар  
Маҳкамасининг 2006 йил 16 октобрдагы “Устав фондида давлат улуши бўлган  
корхоналарнинг самарали бошқарилишини ва давлат мулкининг зарур даражада ҳисобга  
олинишини таъминлаш чора-тадбирлари тұғрисида”ги 215-сон Қарори, “Ангрен логистика  
маркази” АЖнинг устави ва бошқа қонунчиллик хужжатлариги асосан ишлаб чиқилган ва  
“Ангрен логистика маркази” АЖ кузатув кенгаши йигилишининг 2023 йил 23 сентябрдаги 2-  
сонли баёни тасдиқланган “Ангрен логистика маркази” АЖ ички аудит хизмати тұғрисида”ни  
низомнинг “Ички аудит хизматига құйилладиган талаблар” деб номланган IV-бобида ички  
аудит хизмати ходимлари жамиятнинг штатлар жадвалига киритилиши ва ички аудитор  
сертификатига эга бўлиш шартлиги, ички аудит хизмати ходимлари жамият кузатув кенгаши  
томонидан белгиланган тартиб ва шартларга асосан танлов асосида тайинланиши, ички  
аудит хизмати ходимларининг сони жамиятнинг кузатув кенгаши томонидан  
сертификацияланган икки нафардан кам бўлмаган таркибда бўлиши белгиланган.  
Танлов “Ангрен логистика маркази” АЖ кузатув кенгаши йигилишининг 2023 йил  
22 сентябрдаги 2-сонли баёни билан тасдиқланган “Ангрен логистика маркази” АЖнинг ички  
аудит хизмати тұғрисида”ги низом талаблари асосида ўтказилади.  
“Ангрен логистика маркази” АЖнинг штат бирлигидаги бўш бўлган 1 нафар 15 разрядли  
8 соат иш режимида ишловчи ички аудит хизмати бўлим бошлигининг ойлик иш ҳақи  
микдори 3 679 920 сўмни, 1 нафар 11 разрядли 8 соат иш режимида ишловчи ички  
аудиторнинг ойлик иш ҳақи микдори 2 893 170 сўмни ташкил этади.  
Танлов асосида ишловчи ички аудит хизматига қабул қилинган раҳбар-ходимларга  
Ўзбекистон Республикаси Мехнат кодексига асосан меҳнатига ҳақ олиши ва белгиланган  
имтиёзлардан фойдаланиши, жамият жамоа шартномасига асосан кузатув кенгаши қарори

билингвистикадан олиши, жамият ягона акциядори қарори билан молиявий йил якуни бўйича олинган соф даромаддан меҳнат жамоасига тўлаш учун ажратиладиган мукофот пулларини олиши кафолатланади.

Танловда иштирок этиш учун талабгорлар 2024 йил 31 августга қадар шахсий ҳужжатларини жамиятнинг [clangren@bk.ru](mailto:clangren@bk.ru) электрон манзил орқали тақдим этишларини мумкинлиги тўғрисида маълум қиласиз.

Танловда иштирок этувчи жамиятнинг ички аудит хизмати бўлими бошлиғи ва ички аудиторлик учун талабгорлар “Ангрен логистика маркази” АЖ фаолияти билан Тошкент вилояти, Ангрен шаҳар, Ипак йўли кўчаси, 1-ўйда жойлашган “Ангрен логистика маркази” АЖнинг маъмурӣ биносида иш кунлари соат 10:00дан соат 17:00гача ёки жамиятнинг 78-150-10-30, 78-150-08-82 - сонли телефонлари, [www.clangren.uz](http://www.clangren.uz) расмий веб-сайти орқали яқиндан танишишлари мумкин.

#### **Ижро органи**

##### **«ТАСДИҚЛАНГАН»**

##### **“Ангрен логистика маркази” АЖ**

##### **кузатув кенгаши йигилишининг**

- 2023 йил 22 сентябрдаги
- 2-сонли баёни билан

##### **“Ангрен логистика маркази” АЖнинг ички аудит хизмати тўғрисида”ги**

#### **Низоми**

##### **I. Умумий қоидалар**

1. Маъзур низом Ўзбекистон Республикасининг “Акциядорлик жамиятлари ва акциядорларнинг ҳукуқларини ҳимоя қилиш тўғрисида”ги Қонуни, Ўзбекистон Республикаси Президентининг «Қимматли қофозлар бозорини янада ривожлантириш чора-тадбирлари тўғрисида» 2006 йил 27 сентябрдаги ПҚ-475-сон [қарорига](#), Ўзбекистон Республикаси Вазирлар Маҳкамасининг 2006 йил 16 октябрдаги “Устав фондида давлат улуши бўлган корхоналарнинг самарали бошқарилишини ва давлат мулкининг зарур даражада ҳисобга олинишини таъминлаш чора-тадбирлари тўғрисида”ги 215-сон Қарорига, “Ангрен логистика маркази” АЖнинг устави ва бошқа қонунчилик ҳужжатлариги асосан ишлаб чиқилган бўлиб, активларнинг баланс қиймати базавий ҳисоблаш миқдорининг юз минг бараваридан ортиқ бўлган акциядорлик жамиятларида ички аудитни ташкил этишига қўйиладиган ягона талабларни ҳамда унинг ишини ташкил этишнинг методологик асосларини белгилайди.

2. Маъзур низом мақсадлари учун қўйидаги тушунчалардан фойдаланилади:

**ички аудит** — жамият бошқарувининг ижро этувчи органи ва таркибий бўлинмалари томонидан Ўзбекистон Республикаси қонунчилигига, таъсис ҳужжатларига ва ички ҳужжатларга риоя қилинишини текшириш ва мониторинг олиб бориш йўли билан улар ишини назорат қилиш ва баҳолаш, маълумотларнинг бухгалтерия ҳисоби ва молиявий ҳисоботда акс эттирилишининг тўлиқлилиги ва ишончлилигини таъминлаш, ҳўжалик операцияларини амалга оширишнинг белгиланган қоидалари ва таомиллари, активларнинг сақланиши ҳамда корпоратив бошқариш принциплари жорий этилиши бўйича жамият таркибий бўлинмасининг (ички аудит хизмати) фаолияти;

**ички аудит хизмати** — маъзур низом талаблари ҳисобга олинган ҳолда жамият кузатув кенгашининг қарори билан ташкил этиладиган жамиятнинг ички аудитни амалга оширадиган таркибий бўлинмаси.

##### **II. Ички аудит хизматининг асосий вазифалари ва функциялари**

3. Қўйидагилар ички аудит хизматининг асосий вазифалари ҳисобланади:

кузатув кенгашни ишончли аҳборот билан таъминлаш ва ички аудит амалга оширилиши натижалари бўйича жамият фаолиятини такомиллаштиришга доир таклифларни тайёрлаш; ички аудит жараённада аниқланадиган камчиликларни бартараф этиш юзасидан жамият бошқарув органларига тавсияларни тезкорлик билан киритиш, уларнинг бартараф этилишини назорат қилиш.

4. Қўйидагилар ички аудит хизматининг асосий функциялари ҳисобланади:

хар йили жамиятнинг кузатув кенгаши томонидан тасдиқланадиган режага мувофиқ мазкур низомнинг 12-бандида кўрсатилган йўналишлар бўйича тегишли текширишлар ўтказиш йўли билан ички аудитни амалга ошириш (хар чорақда ва ҳисобот йили якунлари бўйича); тузиладиган хўжалик шартномаларининг қонунчиликка мувофиқлиги юзасидан экспертиза ўтказиш;

бухгалтерия ҳисобини юритишда ва молиявий ҳисоботни тузишда жамиятнинг таркибий бўлинмаларига методик ёрдам бериш, уларга молия, солик, банк қонунлари ва бошқа қонунчилик масалалари бўйича маслаҳатлар бериш;

техник топшириқларни ишлаб чиқиша, аудиторлик ташкилотларининг таклифларини баҳолашда ҳамда аудиторлик текширишларини ўтказиш учун аудиторлик ташкилотини танлашда тавсияларни тайёрлашда жамиятнинг кузатув кенгашига кўмаклаши;

жамиятнинг шуъба хўжалик жамиятлари ички аудит хизмати фаолиятини мувофиқлаштириш ва заруратга қараб уларнинг молия-хўжалик фаолиятини назорат қилиш.

### **III. Ички аудит хизматининг ҳуқуқ ва мажбуриятлари**

5. Ички аудит хизмати қўйидаги ҳуқуқларга эгадир:

ички аудитни амалга ошириш давомида пайдо бўладиган масалалар бўйича жамиятнинг хўжатларини (раҳбарнинг бўйруқлари, фармойишлари, бошқарув органлари қарорлари, маълумотномалар, ҳисоб-китоблар, зарур хўжатларнинг тасдиқланган нусхалари ва бошқа хўжатларни), жамият мансабдор ва масъул шахсларидан оғзаки ва ёзма тушунтиришлар олиш;

ички аудитни ўтказишга кўмаклашиш учун жамиятнинг тегишли мутахассисларини жалб этиш.

Ички аудит хизмати қўйидагиларга мажбур:

ички аудитни амалга оширишда мазкур низом ва бошқа қонунчилик талабларига риоя қилиш; мазкур низомнинг 13—18-бандларида белгиланган талабларга мувофиқ ҳисоботлар тузиш; молия ва статистика ҳисоботи кўрсаткичларининг ишончлилигини текшириш;

ички аудитни амалга оширишда олинган ахборотнинг махфийлигига риоя қилиш; жамиятта унинг мансабдор шахслари ва бошқа ходимлари томонидан зарар етказилганидан далолат берувчи ҳолатлар аниқланган тақдирда бу ҳақда дарҳол жамиятнинг кузатув кенгашига хабар бериш ва аудиторлик ҳисоботида тегишли ёзувни қайд этиш; активларни хатловдан ўтказишда ва қонунда белгиланган тартибда унинг ўз вақтида амалга оширилишини назорат қилишда иштирок этиш.

Ички аудит хизмати қонунчиликка ва жамиятнинг таъсис хўжатларига мувофиқ бошқа мажбуриятларга ҳам эга бўлиши мумкин.

### **IV. Ички аудит хизматига қўйиладиган талаблар**

6. Ички аудит хизмати ходимлари жамиятнинг штатлар жадвалига киритилиши ва ички аудитор сертификатига эга бўлиш шарт.

7. Ички аудит хизмати ходимлари жамият кузатув кенгаши томонидан белгиланадиган тартиб ва шартларга асосан танлов асосида тайинланади.

8. Ички аудит хизмати ходимларининг сони ички аудит мақсадларига самарали эришиш ва вазифаларини ҳал этиш учун етарли бўлиши керак ҳамда жамиятнинг кузатув кенгаши томонидан сертификацияланган икки нафардан кам бўлмаган ички аудитордан иборат этиб белгиланади.

9. Ички аудит хизматига ички аудитор сертификатига эга бўлган унинг раҳбари бошчилик қилади.

Ҳар йили ички аудит хизмати раҳбари ички аудит хизмати харажатларининг йиллик сметасини тузади ва уни тасдиқлаш учун жамиятнинг кузатув кенгашига тақдим этади.

10. Ички аудит хизмати ходимларининг касб даражаси тегишли лицензияга эга бўлган таълим муассасаларида мунтазамилик асосида уларнинг малакасини ошириш воситасида сақланиши керак.

11. Ички аудит хизмати ходимлари жамият кузатув кенгаши томонидан ҳар йили аттестациядан ўтказилиши керак.

## **V. Ички аудит хизматининг мустақиллиги**

12. Куйидагилар ички аудит хизмати мустақиллигининг асосий шартлари ҳисобланади:  
ички аудит хизмати раҳбарини ва унинг ходимларини лавозимга тайинлаш ва эгаллаб турган  
лавозимидан озод этиш;  
жамият кузатув кенгашининг қарорлари бўйича уларга иш ҳаки миқдорини ва бошқа  
тўловларни белгилаш;  
жамият кузатув кенгashi ҳузуридагиаудит ќумитасига бевосита бўйсуниш.

Ички аудит хизмати ва ташқи аудитор бир-бирларига нисбатан мустақил бўлишлари лозим,  
шунингдек, ўзаро ахборот алмашишга ва ўзларининг ҳаракатларини мувофиқлаштиришга  
ҳақли.

## **VI. Ички аудит ўтказишга ва уни ўтказиш натижалари бўйича йиғма ҳисбот тузишга қўйиладиган талаблар**

13. Ички аудит:

тасдиқланган бизнес-режа бажарилишини;  
корпоратив бошқариш принципларига риоя қилинишини;  
бухгалтерия ҳисоби ва молиявий ҳисобнинг ҳолатини;  
солиқлар ва йиғимлар тўғри ҳисоблаб чиқиши ва тўланишини;  
молия-хўжалик фаолиятини амалга оширишда қонунчиликка риоя этилишини;  
активларнинг ҳолатини;  
ички назоратнинг ҳолатини текшириш ва уларнинг мониторингини олиб бориш йўли билан  
фақат ички аудит хизмати ходимлари томонидан амалга оширилади.

Кузатув кенгаш томонидан жамият ихтисосидан келиб чиқиб қонунчиликка мувофиқ  
текширишни ўтказишнинг бошқа йўналишлари белгиланиши мумкин.

14. Ўтказилган текширишлар натижалари бўйича бевосита уни ўтказган ходим (ходимлар)  
томонидан имзоланадиган тегишли ҳисботлар тузилади.

Бунда:

а) бизнес-режа бажарилишини текшириш натижалари тўғрисидаги ҳисбот қўйидагиларни ўз  
ичига олиши керак:

унинг бажарилишининг миқдор ва сифат кўрсаткичлари таҳлили;  
унинг бажарилиши таъминланмаган тақдирда айборд мансабдор шахслар шахсан  
кўрсатилган ҳолда аниқланган сабаблар баёни;

б) корпоратив бошқариш принципларига риоя қилишни текшириш натижалари тўғрисидаги  
ҳисбот қўйидагиларни ўз ичига олиши керак:

жамият бошқарув органлари томонидан қабул қилинадиган қарорларнинг самаралилиги,  
унинг қатнашчилари (муассислар)нинг қонуний ҳуқуқ ва манфаатларига риоя этилиши  
таҳлили;

корпоратив бошқариш соҳасида қонунчилик бузилиши ҳолатлари баёни (таъсис  
хужжатларига риоя қилиш, умумий йигилишлар ва жамият бошқарув органлари мажлислари  
ўтказилиши, дивидендлар тўғри ҳисобланиши ва ўз вақтида тўланиши ва хоказолар);

в) жамиятнинг бухгалтерия ҳисоби ва молия ҳисботи ҳолатини текшириш натижалари  
тўғрисидаги ҳисбот қўйидагиларни ўз ичига олиши керак:

бухгалтерия ҳисобини юритиш ва молия ҳисботини тузишнинг белгиланган тартибига риоя  
қилинишини баҳолаш;

аниқланган бухгалтерия ҳисботини юритиш ва молиявий ҳисботни тайёрлашнинг  
белгиланган тартиби бузилишининг тавсифи;

г) солиқлар ва бошқа мажбурий тўловлар тўғри ҳисобланиши ва тўланишини текшириш  
натижалари тўғрисидаги ҳисбот қўйидагиларни ўз ичига олиши керак:

тузилган ва тегишли органларга тақдим этилган солиқлар ва мажбурий тўловлар ҳисоб-  
китоби тўғрилигини баҳолаш;

солиқлар ва мажбурий тўловларни ҳисоблаш ва тўлашнинг белгиланган тартиби бузилиши  
ҳолатларини, солиқ солинадиган базани белгилашда четга чиқишлиарни баён қилиш;

д) молия-хұжалик операцияларини амалга оширишда жамият томонидан қонунчилікка риоя қилинішини текшириш натижалари тұғрисидеги ҳисобот қүйидагиларни ўз ичига олиши керак:

жамият томонидан амалга оширилган молия-хұжалик операцияларининг қонунчилікка мувофиқлігіни бақолаш;

ички аудит давомида аниқланған жамият томонидан амалга оширилган молия-хұжалик операцияларининг қонунчилікка номувофиқлігін баён қилиш;

е) ички назоратнинг ҳолатини текшириш натижалари тұғрисидеги ҳисобот қүйидагиларни ўз ичига олиши керак:

ички назорат тизимини ва унинг фаолият күрсатишидеги мавжуд камчиликтарни баён этиш; жамият таркибий бўлинмаларидеги ижро интизомининг ҳолати тұғрисидеги маълумотлар, унинг аниқ ходимлари ишидеги мавжуд камчиликлар.

Активларнинг ҳолатини текшириш натижалари активларни хатловдан ўтказишнинг асосланишини ҳамда уларнинг ҳаракати, амалда мавжудлiği ва сақланиши тұғрисидеги маълумотларни ўз ичига олиши керак.

Шунингдек ўтказиладиган текширишлар бўйича барча ҳисоботларда жамият ижро органды ва унинг таркибий бўлинмалари фаолияти бақоланишини, аниқланған четга чиқишлиар ва қонунни бузишларни бартараф этишга доир тавсияларни, тасдиқлайдиган хужожатларнинг тўлиқ пакетини ўз ичига оладиган якуний қисм бўлиши керак.

15. Ўтказилган ички аудит якунлари бўйича, мазкур низомнинг 12 ва 13-бандларига мувофиқ, ички аудит раҳбари томонидан имзоланадиган йиғма ҳисобот тузилади.

16. Йиғма ҳисобот:

таҳлилий қисмни;

якуний қисмни;

тасдиқлайдиган хужожатларнинг тўлиқ пакетини ўз ичига олиши керак.

17. Йиғма ҳисоботнинг таҳлилий қисми мазкур низомнинг 12 ва 13-бандларига мувофиқ, ички аудит ходимлари томонидан ўтказилган текширишлар натижалари тұғрисидеги умумлаштирилган ахборотни ўз ичига олиши керак.

18. Ҳисоботнинг якуний қисми:

жамиятнинг ижро этувчи органды ва таркибий бўлинмалари фаолиятига, шунингдек ликвидлигига умумий баҳони;

аниқланған четга чиқишлиар ва қонунни бузишларни бартараф этиш бўйича ички аудит хизматининг тавсияларини ҳамда жамиятнинг молия-хұжалик фаолияти самарадорлигини оширишга, корпоратив бошқариши такомиллаштиришга доир умумлаштирилган тақлифларни ўз ичига олиши керак.

19. Йиғма ҳисобот ички аудит якунланғандан кейин 10 кун мобайнида тугалланиши зарур.

20. Йиғма ҳисоботлар бевосита жамиятнинг кузатув кенгашига унинг кўриб чиқиши ва кейинчалик тасдиқлаши учун тақдим этилиши керак. Ҳисоботлар нусхалари тасдиқланғандан кейин жамият ижро органдига тақдим этилиши керак.

21. Жамиятнинг ижро органды ички аудит натижасыда аниқланған камчиликларни бартараф этиш чора-тадбирларини кўриши шарт.

22. Ички аудит хизмати текшириш давомида аниқланған қонун бузилишларини бартараф этиш, шунингдек умуман жамиятнинг молия-хұжалик фаолияти самарадорлигини ошириш бўйича чора-тадбирларнинг ўз вақтида ва зарур даражада бажарилиши устидан назорат ўрнатиши керак.

## VII. Ички аудит хизматининг жавобгарлиги

23. Ички аудит хизмати ходимлари:

ўзлари ўтказған текширишлар натижалари бузиб кўрсатилғанлиги;

уларга тақдим этилган ёки улар томонидан хизмат вазифаларининг бажарилиши муносабати билан уларга маълум бўлган жамиятнинг сирини ташкил этадиган ахборотнинг

махфийлигига риоя қилинмаганлиги;

олинган хужожатларнинг сақланиши ва қайтарилиши таъминланиши учун жавоб берадилар.

24. Ички аудит хизмати аудиторлик текширишлари давомида аниқланган қонунни бузишларни бартараф этиш ва жамиятнинг молия-хўжалик фаолияти самарадорлигини ошириш юзасидан кўрилган чора-тадбирларга баҳо берилиши учун жавоб беради.
25. Жамиятнинг кузатув кенгаси ҳар чорақда ички аудит хизматининг текширишлар натижалари тўғрисидаги ҳисоботини эшигади, аниқланган камчиликларни бартараф этиш ва жамиятнинг молия-хўжалик фаолияти самарадорлигини ошириш юзасидан чора-тадбирлар кўради.
26. Жамиятнинг кузатув кенгаси ички аудит хизмати ходимларини танлов асосида тайинлайди, шунингдек, аудиторлик ёки назорат қилувчи органлар текшируvida ички аудит хизмати ходимларининг фаолияти билан боғлиқ камчиликлар аниқланган тақдирда, уларнинг ваколатини муддатидан олдин тугатади.
27. Аудитор ёки назорат қилувчи органлар текшируви натижасига кўра аниқланган жамият ички аудит хизмати фаолияти билан боғлиқ камчиликлар ички аудит хизмати ходимлари (ходими) ваколатини муддатидан олдин тугатишга олиб келади.

Ссылка на объявление на  
сайте эмитента: \*

[www.clangren.uz](http://www.clangren.uz)

Статус:

Подтверждено

Pub date: \*

Дата: 01.07.2024 | [Сегодня](#) |

Время: 09:23:02 | [Сейчас](#) |